

戊午

公牘鱗瓜
下

239676

呈右長設保衛團文

呈為擬設地方保衛團呈請示遵事竊查靜甯為隴東重鎮
大道衝途行旅往來人跡混雜轄境又極遼濶其前接環伏秦
崇山峻嶺密邇陝邊之隴汧游匪潰兵潛入時聞自清以來全
境雖未一遭兵燹然駐武員紮重兵防範稽巡亦未嘗稍
示輕忽也民國成立防營雖裁無軍駐紮然屢因斯地重要派
駐巡防馬隊以資鎮懾迨後馬隊調省全境並無一兵警備隊亦
裁只餘二十名警兵且又因轄境寬遠派警言分布重要三鎮駐
紮以維治安外而廣大堅城地當孔道行人絡繹五方雜處十
餘名警兵何能資指使而敷稽巡况又值茲冬防喫緊兼彼陝

鄰多事之秋接近陝境隴汧一帶之山徑時有混入游匪潰兵
行踪飄忽潛伏堪虞而愚民無知覩此驚惶此傳彼議咸有戒
心若不未雨綢繆設有疎虞外來之匪徒混迹境內煽惑滋事
治安前途貽患匪淺警兵雖已添募籌款實羅掘無方是遵
章籌辦地方保衛團為靜邑今日至要之急務也昭昭矣智事擬
即遵照公布地方保衛團條例並參酌貴州省保衛團施行細則
籌設靜甯縣保衛團以輔警力之不及而為安不忘危思患預
防之地步庶於保衛治安維持秩序大有裨益連日疊與閩
縣紳商士庶等往復集議詢謀僉同咸謂非從速照章成立保

衛團不足以息謠詠而靖閭閻知事伏查靜邑庫存軍械向無

快槍自前隴東鎮守使吳涇原道尹王因靜甯地當衝繁漢回
雜處為秦隴往來要道南通天水北達朔方且東西相距鄰封

甚遠護送餉鞘軍裝保衛地方在在均關緊要當由巡防第一

營撥給快槍七十桿子彈一萬二千九百六十五顆以資捍衛等

因在案足見當時視靜甯為隴東重鎮而發給多數槍彈以護

衛之者至矣迨至去年警備裁撤只留快槍十枚子彈五百顆

餘均呈解隴東鎮守使署收用似此轄境廣濶地方重要十枚快

槍實難敷四區警兵之支配來福槍姚前任移存只三十枚組

織保衛團亦不敷用若一時概由地方備價購買此宗鉅款更非
咄嗟可立致若俟款集再領械聚團誠恐緩不濟急遺誤地方
况莊浪隆德間均有快槍二三十桿有備無患靜邑前奉發給
快槍七十枝因警備裁撤奉文呈解外今只餘十桿以轄地寬
濶壤接數縣之靜甯尚不及包在腹地最爾莊浪槍枝之多此
靜氏之所以聞謠心驚時請領械也知事再四思維以靜甯之廣
土衆民道路四達又當此陝鄰多故謠詠特聞之秋誠宜趁此時
機整頓警容精練鄉團俾訖言不驚四民安堵屹然為隴東之
重鎮則平涼駐軍雖赴環慶合水防堵而隆靜莊會一帶均可

守望相助閭閻安枕合無仰懇

憲台俯念陝鄰多故地方重要俯賜核准轉呈

大帥鑒核暫時發給快利步槍一十枝子彈二千枚來福步槍一百五十枚火帽五萬鉛丸五百粒火藥一千斤以資捍衛而保治安庶靜邑城關及三十六鎮各團均足分布應用不至徒手無械可持而閭境黎民咸惴惴於驚怖矣除俟奉

令核准後另文具領轉發應用並由筆監督認真實行舉辦

外所有擬設靜甯縣保衛團並擬請領槍彈以資應用而重地方各緣由除呈明

大帥核示外理合具文呈請

憲台批示祇遵謹呈

七年一月 禁纏足示

天之生人

圓顛方趾

宵娘作俑

纏足適履

賽會弓鞋

中國大恥

已纏解放

未裹禁止

提倡天足

禁售木底

特此誥誠

免殘肢體

通俗教育牌示

照得靜邑文獻名邦風淳俗美重道崇儒名士輩出共和成立學校
宏開熱心教育碩彥實繁向學者深造得所失學者尚待陶鑄此
通俗教育之所以重於今日也講演使聽者醒悟閱報使看者警惕半載
以來講演不精報章多滯究不知聽者看者有所觸發感動否耶

本監督十四年前隨侍定西公廨課諸弟時曾編蒙養階梯一書
普通知識悉予網羅古今中西應有儘有以之作學校課本頗嫌
蕪雜用諸通俗教育甚覺恰宜爰繕一冊發存講演所中凡各
界注意普及教育者不妨取而閱之錄而廣之或亦靜邑今日通俗教

育之一助也夫此示

注重清潔佈告文

為佈告事照得市廛衛生首重清潔街巷交通豈宜梗阻吾國市
政多未講求警察亦未實行干涉居民商戶每多視公共行走之
街衢為無人過問之空地污水任傾糞土任積惡習相沿恬不為怪
靜城民商尚能潔淨惟造粉各戶傾水門前流湍塞路炎天蒸鬱

醞釀癘疫之源冬日沍寒凝結傾跌之凌既妨衛生復碍行旅再街巷
門首多積糞堆臭穢傷人魚妨行路亟應佈告禁止以利交通除行
警察隨時查報拘辦外為此仰粉房暨堆糞各戶遵照自示之後
如再故違即行提究依違警法從重罰辦決不寬貸各宜凜遵毋

違切切此布

獎學界誠實呈文

獎

呈為呈請核准立案並給鼓勵事竊查共和成立百度維新御外治內
需才孔亟人才之消長卜國運之盛衰無良善之教育斷難造就
福國利民之人才以應今日時勢之需要矧茲隴表風氣遲開非限
於財力之不敷建^設即缺於合格良好師資兼以辦學者不得其人或粉

飾鋪張有名無實以塞責或假藉名義侮懦詐愚以取財究於國民

教育有蒙養聖功之基礎於高等教育有增長識之陶鑄實係毫

不着意徒門懸一牌壁掛一板有村童七八嬉嚷其中是名雖學校

實則不及私塾之整肅社會不信仰平民生指摘欲求成效憂乎

其難知事蒞任後察知其故節節改良用圖挽救首立模範高等

模範國民模範女校三校於縣城之內為各鎮所取法樹全縣之楷模

計模範國民學校籌得建築費錢八百串又常年費錢二百四十四

串貞靜女校計籌得設備費錢一百串又常年費錢五百串其他

縣城第一國民及清真國民二校並水洛城高等國民二校及通遍高

等國民二校威戎國民一校等亦均增學款聘良師極力整理以臻完

善

嗣又推之於各鎮首由知事親赴四鄉演講普及教育之原理勸導提

倡鼓動社會之信仰心繼又由勸學所長武告成縣視學員王爾興勸學

員李鼎芬呂仲清會計員馬承祖暨各鎮籌辦員萬錦芳朱觀

光史振綱韓鳳儀岳蘊珪趙光祖蘇爾喜李子模楊生泮馬負圖席

映瑞方璽李楷郭萬發李連福單世德單世楨馬殿甲米進德等

分途輪流馳赴各鄉不憚舌敝屨焦總期家喻戶曉故建築學舍則

人民樂於趨工籌收基金則捐助不難腋集計本年下學期成立

朱家店高等小學校一處計籌建築費錢一千串常年費錢三

百串又附設國民學校一處計常年費錢一百串又章麻鎮成立
國民學校一處計籌建築費錢八百串常年費錢二百串又野趙鎮
成立國民學校一處計籌建築費錢七百串常年費錢二百串又新
集鎮成立國民學校一處計籌建築費錢七百串常年費錢二百串
又計都鎮成立國民學校一處計籌建築費錢八百串常年費錢一
百串又雷大灣成立國民學校一處計籌建築費錢五百串常年
費錢一百串又甘溝鎮成立國民學校一處計籌建築費錢七百串
常年費錢一百串又高家堡成立國民學校一處計籌建築費
錢二百三十串常年費錢一百串又單家集成立清真國民學校

二處計籌建築費錢九百串常年費錢四百串又殷屯寨成立國民學校一處計籌補助費錢四十串又治平川成立國民學校一處計籌建築費錢三百串常年費錢一百串又焦韓店成立國民學校一處計籌建築費錢二百串常年費錢一百串以上各校均已開學計成立高等一處女校一處國民十四處新建校舍籌定學款遴委良師選擇學童形式務臻整潔教授更求合法俾學童寶貴之光陰與艱苦籌集之學款不令擲諸虛牝務求施於實際如繼任者能保持現狀數年之後雖無成效必有可觀而今日之得以告厥成功能以呈報成立以仰副

帥憲
廳長

興學育才熱心提倡之至意者皆勸學所長武告成縣視
學員王爾興二員之力也應請破格給獎以勵賢勞其他勸學
員李鼎芬呂仲清會計員馬承祖籌辦員萬錦芳朱覲
光史振綱韓鳳儀岳蘊珪趙光祖蘇爾喜李子模楊生泮馬負
圖席映瑞方璽李楷郭萬發李連福單世德單世楨馬殿
甲米進德等二十二名襄助奔走有勞足錄又模範高等
校長王寶善教員劉青藜張錫爵模範國民學校校長
王三錫教員王爾啟又水洛城鎮高等學校校長萬士選教員
李鴻烈威戎鎮國民學校校長李景芬縣城第一國民學

校校長江竟成教員穆志勳清真國民學校校長馬光祖教員蓋兆瑞均能盡心教誨訓迪有方並懇優予給獎以資激勸或給予匾額或獎以褒狀均出自

高厚生成知事職居監督責有攸歸既提倡之無方復興辦之乏術幸賴該員等摩畫精詳不辭勞瘁得以次第成立樂觀其成庶免廢弛之愆借盡職分之責除職教員學生一覽表暨報告清單令由勸學所依據法令分畫學區安定名稱另表詳列呈核外再隴東交通梗阻購書不易本年為發達學務便於購書起見於勸學所內附設智羣書局籌撥開辦費用百元向上海

商務書局訂購各項應用教科書籍千餘部現已由各校學童
陸續購買殆盡計銷售各書約值七百餘元之多購書既易進化不
難此又籌設智庫書局便於啟迪之情形也所有籌備成立各校應
請立案給獎各緣由理合具文呈請

帥憲

俯賜鑒核批准立案並祈優獎以資鼓勵謹呈

廳長 報國德及任其呈文

呈為奉令呈覆事本年十一月二十九日奉

省長訓令內開案准 甘肅省議會咨開據本會議員李煥

章提議規復地方保衛團一案除原文有案免叙外尾開合亟

令仰該知事遵照云云此令等因奉此查此案 知事 蒞任時因

鄰省不靖誠恐匪徒竄擾貽害地方當經呈請

帥憲遵章設立保衛團以為思患預防之計奉令批准之下當
由^{知事}遵照地方保衛團條例擬具靜甯縣保衛團施行細則一本
呈由

帥憲核准遵飭團局按則照辦以期有備無患當於四月初一
日設局開辦所有應需經費查照地方保衛團條例第二十五條
就地籌款之規定傳集紳商各界籌議以期進行嗣據該紳
商等呈稱在於斗秤炭紙山貨水菸等行內每月共籌
出錢八十一串零按月抽收核實開支並由^{知事}委任在籍前忠

武軍馬隊管帶楊芳林為中區團總藉資倡率並委前忠武
軍管帶劉福盛為南區團總前守備高炳培為西區團總前
武舉馬殿甲為北區團總前把總孫長林為東區團總先由清查
戶口以清盜賊嚴稽游匪以絕勾煽為入手此知事辦理靜甯各區
保衛團之實在情形也本年十月間甘南告急警報時聞知事以
縣南水洛鎮為靜邑屏蔽而又逼近秦汧隴風鶴頻驚人心惶
恐又將南區團防竭力整頓以備不虞幸仰託

帥憲聲威坐鎮匪氛潛消得以轉危為安閭閻樂業然未雨

綢繆團務未敢稍懈當由知事隨時督飭進行無事則更番

訓練有事則捍衛桑梓並將槍枝施射及火藥配製方法令
各區團丁習之於平日習有成竹一旦有警自無虞倉皇失
措也此又知事辦理各區保衛團之實在情形也茲奉前因所
有知事辦理地方保衛團實在情形理合具文呈覆

帥憲鑒核訓示遵行謹呈

肅悅字款呈文

呈為呈請核准立案事案據勸學所長武告成呈稱呈
為云謹呈等情據此知事遵查興學育才當今急務登奉

大總統明令頒布切實振興轉行遵照在案靜邑上年將全縣
學校規畫籌設規模粗具若再認真整理俾其內容完

善教授得人仍非寬籌的款不足以資展布而臻美善所有牙用一項稅祇三分牙用三分取之過多有款中飽各鎮劃歸學用坊名多寡漫無定數應請莊修一律規定一分牙用上年冬東五鎮款額又增定為一分學用茲該所專呈請全縣規定於牙用三分內提二分歸學用以昭統一而垂久遠化私為公別除中飽以地方固有之款借地方要政之需而尚可行更無紛擾在在仰重。應請俯准立案以維學務而便抽收所呈籌撥學款概提牙用實無紛擾各緣由理合具文呈請

廳奉 賜 差 核 指 令 送 行 准 令 甘 肅 省 高 廳 奉 令
照 得 民 刑 訴 訟 已 用 新 律 拘 傳 各 票 仍 係 舊 式 殊 非 以 昭
畫 一 而 責 考 成 也 本 縣 長 呈 明

省長既

高等審檢兩廳核准照章擬刊各票施行在案茲定
於民國八年元月一日為實行新票之期合亟牌示為此仰
合邑軍民人等一體遵照切切特示

照得冬令煨炕舊習擋糞價付多數相沿已久昨因

本縣研究用煤燒炕方法比較用糞價值始知擋糞付

價緣由似此區區尚沿陋習亟應革除以滌舊汚除行
警察所派警前往東關西河禁止檔糞外為此示仰合

邑人

等知照此示

禁匿名揭帖牌示

照得侮辱職務妨害名譽律有專條罪不容恕近日

訪聞竟有無名揭帖信口開河既傷風化復干法紀亟應

查禁以肅風紀除行警察嚴密查拿拘案法辦外合

亟示仰合邑軍民人等一體遵照至人民實有冤抑不

能申明儘可來署喊冤起訴陳明本縣定為昭雪如含

沙射影舞文逞刁一經拿獲按律治罪決不姑寬切切此示

募債公商以告示

現奉大帥命令 辦理短期公債 靜邑指派九千

紳商踴躍募借 此債七厘起息 付息九年五月

十年即償本金 四年本利全清 性質同前公債

本省收取更便 指定毛皮償還 抵借斷不虛懸

合亟布告我民 各宜出資應貸 軍餉萬分緊急

期限不能少待 並不募及貧民 切莫驚駭推延

特此諄示 諭其各一体遵行

靜甯縣行政長官警署察所所長訓令

令警佐范鎮慶文

案查警察為行政之要圖化小事為無事紓人民之痛苦
樹法治之先聲法至善也吾國做行以來人民不知敬言法警
官濫用職權便民之政反致累民吾甘各縣大抵皆然故警
廳有教練之傳習警佐受警政之教育原所以滌舊染
而責實效也該員警校出身研究有素早必見及於此本
所長因城鎮事繁分區設警並令兼理法警事務所
有經人民報告逮捕處息事件不有精密之登記莫
備事後之考查本城中區事務如係違警^法範圍內事
件由警佐訂立簿記並面呈處結情形如違警罰法

範圍以外事件隨時呈送縣公署受理以符法令至
外區簿記每月終呈閱如違警範圍以外事件仍
應照章呈送縣公署受理不得擅行責罰干犯法紀
分廳伊適法律森嚴如各區巡長違法受理不呈明
無任特呈
本縣長以致上訴本所長決不負責合亟令仰該員
遵照並諭飭各區巡長趕於八年一月一日實行簿
記事由依法受理以肅警政而免侵越切毋違此令
呈報林務會成立文

呈為呈報成立事案奉

鈞廳令開各縣設立林務會以資提倡森林一案等因奉

此奉^到上年因已逾植樹節候又無良善苗種遂一面趕

造學林一處並出示勸民栽樹一面函達天津漢中等處
購買洋槐樹種籽數萬顆橡樹桐樹種籽各數萬顆以
資播種在案本年為推廣林業起見於一月一日遵即
成立林務會為全縣之倡辦有頭緒再推設林業公會
於各鎮鄉兼管併進以仰副

鈞處推廣林務以裕民生之至意林務會地點已擇定
縣城東街閻帝廟內設置已委王俊臣為林務會正會

長楊芳林孝義^岩為副會長馬祖培等十人為會員積極
進行並劃定城內公共隙地五處為造模範林之地
洋槐樹種籽已到橡桐種籽因路梗尚未寄到一
俟辦有頭份再行呈明請

示遵行所有呈報林務會成立日期並擬造模範林
情形理合具文呈明

鈞處鑒核示遵謹呈

為委任監修事照得本縣知事下車之始任恭謁

孔廟時曾見廟內兩廡房頂傾圮每逢雨淋日炙傾損堪虞

廟外四圍垣毀

砌均已

暨仰之餘當即

以及外牆前面塔坍塌不堪本縣即行籌款委員逐

處補修刻雖工已告竣惟兩側牌坊上蓋及下棟椽俱已

頽斜勢難措拄若不先行鳩工庀材修葺完善一經

崩折工程浩大需款亦多恢復原狀良非易事本縣

現又集有鉅款非遴選幹練明達之員實難蒞成

其事夙聞該紳等精白勤潔堪任其事合行委任

該紳等刻即遵照興工督修於祭期前竣事總期
工堅料實以垂久遠而壯觀瞻是為至要其所需一
切款項由縣發給事關大典毋稍敷衍玩延切切此委

右委任文廟監工

周嗣興 楊芳林 准此
楊文海 化振麟

靜甯縣行政公署令

令楊芳林周嗣興楊文海

為傳令嘉獎事照得本年夏間興修

聖廟現已竣工該監工人等在事勤勞殊堪嘉尚合行傳

（令嘉獎為此令仰該員等遵照此令

為牌示事照得本縣客鵬蒞任恭謁

聖廟時曾見[○]西兩廡上蓋坍塌不堪及外[○]台塔照壁

^垣對牆兩側牌坊均各頽毀將傾爰即籌款鳩工於本年

夏間委令楊芳林周嗣興楊文海等經理補葺以壯瞻

仰現已將兩廡台塔牌坊繕葺完善惟照牆未成刻

值嚴寒碍難工作一俟明春天氣融和即為修理以

竟全功除將監修人員楊芳林等在事出力傳令

嘉獎外合行牌示為此示仰閭縣人等一體知悉嗣後
對於萬仞宮墻必恭必敬不得稍有污損致干查
究切切此令

哲坎敬言
淳會呈文

呈為遵令籌辦會呈示遵事七年九月二十日奉

處長令開 云云此令等因奉此 知事 遵即傳集紳商各界宣

布 德意預籌款集不累之方用期警增防冬之備爰督

率前警佐毛武超認真整理劃區設崗增燈製服授以警法

訓以兵操雖規模粗具稍改舊觀究內容參差完善未臻旋

於八年元月五日王視察員重撥抵靜 知事 會同磋商傳集

各界先由警言款入手次及編駐方法總期款集而民不擾事舉而

費不糜以仰副

處長刷新警政勵精圖治之至意茲謹將籌款增警各情形謹為
處長一陳之謹按此次 委員。知事。會同紳商各界擬就由秤用

斗行兩項全年抽收警捐錢四千串文又牙用增錢二百串文又契
紙項下全年抽收警捐錢六百串文又增商捐錢五百串文又豚捐
錢四百串文合前有商捐警款錢一千五百串文總計全年警捐款
錢七千串文此籌集警款之畧情也副全縣為五區縣城與附郭村
落劃作中區範圍東區設派出所於通遍鎮南區設駐在所於
水洛城西區設派出所於界石鋪北區設派出所於單家集計遵

章設警佐一員巡官二員二等巡長二名三等巡長四名一等警
兵六名二等警兵十八名三等警兵四十名雇員一名伙夫七名所
丁一名看夫一名共開支錢五千六十六串四百文教練所設於公所內
計遵章設教練員一員以警佐兼充之人事務員一員以巡官
兼充之雇員一名班長二名學警三十名共開支經費錢一百八十串
又人全年服裝錢一千四百串文油燈全年費錢二百串文公費
全年錢一百五十串文臨時費以違警罰金充之此籌增警額
暨設教練所並開支各費之畧情也當茲民治方新庶政待舉

警察為內政之要圖稽巡及善後之至計自應及時推廣不得圖守舊規以上各情各界一致贊同用觀厥成上副

德意再前籌商捐為數既鉅茲又增認警款數百串實屬急公難能應懇 處長恩施格外給予在事出力之商會正

會長李文淵副會長孫光珠公斷處處長劉祖禹二等獎章各一面以昭激勸而勵其餘除成立日期暨各項表冊另文呈報外所有遵會籌辦靜甯縣警額警款大概情形是否 有當理合會銜呈請 處長大人俯賜鑒核指令遵行謹呈

呈為會呈核示立案事本年元月十二日據本城商會呈稱昨奉
委員 回諭奉
縣長

處長明令整頓警政添設警言額增籌警款一案遵查靜邑
商業表小近年道梗坐困勢已不支籌款實艱敝會再四思維
查有舊日於本地買貨各戶抽收錢文名為斗底秤用者為數頗
鉅亟宜化私為公充作警言費似此辦理雖未直接取於商民然
間接仍由本地商民負擔且不收來客分文於自由貿易不相抵
觸縣城水洛鎮每年計可收錢四千串文等情今日又據商會

呈稱擬在契稅項下全年籌出警言捐錢六百串文猪稅項下籌出警言捐錢四百串文又敝會商同各商戶於原有警言款外增加警言款錢五百串文如此警言額可增警言費有着理合懇請

上憲立案以垂久遠等情據此

委員知事

謹查上項籌增各款

或出自商家之樂輸或提諸牙儈之中飽既不累及民資又不難於抽集眾皆贊成自應呈報理合據情會同呈請

處長俯准呈明

省長核准立案以便抽收而重警言政所有會呈籌款轉呈立案各

緣由理合具文呈請

處長鑒核指令遵行謹呈

王舟楫判詞

兄弟爭產案

難得兄弟易得田地該民等忘手足之至親惟貨財之是爭殊
虧兄弟一倫矣分家公平即無爭分單清白亦無爭二者缺一
爭端起矣該王舟楫等分家之時將田地分清商業專分與王
舟楫方面分單寫定後王自修等復又尋代書人同舟楫子
於單尾註寫商業一事王自修王自振各分去錢二百二十串

文平心而論自振力田自修守成舟楫創業不無微勞將商業
分與舟楫之子即少占便宜亦屬公道乃王自修等計不出
此不肯吃虧復分商店之錢舟楫心不能甘遂植訟根矣舟
楫以店欠數千未償自修以店中盈餘千串須分各有爭
點究無確寔簿記可據不過假此為假面具各纏其訟而
已計分家屢次爭鬧紳處自修等與舟楫出地十垧又錢百
餘串豈無故哉茲斷以前分過之產付過之錢一概不究所
欠之賬多寡商業所盈多寡亦一概不究王自修王自振

各與舟楫錢一百串以贍養膳至外欠若干再不與自修自振相

干自此以後務念一母所生仍敦睦好以重孝友毋再鬩牆生

訟以飽訟師之囊箕豆相殘用貽人道之戚况欺罔取財律有

專條一經舉發同罹囹圄該民慎勿重貨財而輕骨肉昧訟凶

而謂法網為幸此判

告賍布告文

照得現行法例凡民刑訴訟必須初級審判衙門判決方能上訴

准理人民不諳法例往往藉詞先行上訴卒之駁回提審內有關

係得賍案件誠恐愚民無知不敢逆報投收狀處下情不能達

司法警察等

茲特於本公署大門前設置告誡投賕如本公署在公人員及錄
事承發吏自八年一月一日起如有磕害吾民得受賕款情事
准受害人投遞訃狀於廳內本縣五日一開如所訃確實無論
何人依法治罪決不少貸惟照章傳票膳宿費不在此限特
此牌示仰本公署在公人員及各界人民一體遵照切切特示

通令辦學委員文

案查興學育才國家根本要政振興教育地方首重得人甘僻
在邊風氣遑開辦學之人熱心潔身不辭勞怨者固不乏人

假藉名義別有所圖者亦復不少况庶政繁興餉需孔亟學
款籌集萬苦千辛積銖累寸同脆膏血忍痛苦於目前造
子弟於來日豈容在事者侵蝕冒濫致廢學務必湏涓滴歸
公宏茲教育况刑律第三百九十二條侵佔公務上財物之
規定係處二等或三等有期徒刑十年至五年之監禁往事
已矣來日方長各該籌辦員務宜潔身奉公造福桑梓憫教育
之不發達念學款之極難籌盡名譽之職務得社會之信仰庶
政方興需才孔亟前途無量不患無位矣再縣視學員勸學

員如下鄉查學各該籌辦員即就事陳述抒見磋商不必助以路費餽以酒肴似此開支萬難造報自身賠墊人誰能堪自此通令之後各籌辦員如有侵款情事各查學員如有受賍情事一經告發或被查明定即依律治罪決不姑寬切切毋違此令

各界

一體遵照外合亟令仰該員遵照切切毋違此令

通令各校校長教員文

案查興學育才國家根本要政振興教育師資首重得人况先陰寶貴古人惜及不陰學款難籌一滴皆民膏血誤人之子弟即損國

之元氣虧已之職責即長世之澆風古今來師道之關重國家有如此者各校長教員盡心教授者固不乏人怠溺職務者所在不免本監督以行政兼理司法事務繁殷無暇詳察本年城內各校每月派縣視學員考驗一次以瞻成績外鎮各校每季派縣視學員考驗一次以責宴效如月考三次季考二次成績最下者本監督雖欲寬假而事實不能掩蓋只有照章懲戒耳再各校對於學生失於放任管理訓練未能實行應自本年起每校校長與教員輪流值日或每班主任教員值日實行管理訓練以免學生嬉荒

增社會不快之感想貽青年放蕩之虛隙各該員師嚴道尊春風風人為善之心誰不如我是又不待本監督勸之過慮者也除令行縣視學員遵照外合亟令仰該校長教員等一體遵照

毋違切切此令

一月
為布告事照得
禁止纏足文

天之生人圓顱方趾官娘作俑纏足適履賽會弓鞋中國大恥女子纏足殘毀肢體誰非父母能不痛心倍習相沿賢者嗟嘆禁令未行眾庶觀望子女痛苦父母飲泣小脚一雙眼淚一缸

輕損氣血重毀腰腿忍心害理莫此為甚更有惡姑虐待童

媳裹足為名用力相縛後母不良偏待前女纏脚為由肆其狠

毒慘無人理世所罕聞亟應開放用遂長養除組織天足會提

倡解放外合亟布告為此仰閭邑軍民各界人等一體遵照

凡女子十五歲以下纏脚不前者依姑婆風俗刑每月每人納脚捐錢一串文派警差

挨戶查收二十歲以下婦女足骨已斷不能開放者可用平底以便

捺作而活筋血此項禁令限陽曆六月一號實行如稅決不姑寬

如敢抗違拘罰不貸依法究罪特此布告一體週知悉除舊染解脫縛束

恢復天足咸暢生機切切毋違此布

布告民間提倡織布文

為布告事照得男耕女織古訓昭然共和立國工商為重民生在勤則不匱矧茲裹足坐食廢人一婦不織或受之寒靜俗古朴庶業未興且既解放織紡宜先本縣擬就辦法並委專員設光華織布工廠於武廟內製備合用高機紡車為民間織紡取法之模型織造大布應普通衣服之需要又安改良平機兩架用中國棉紗製造愛國細布供社會外服之

需用丹托購鐵機數架備將來天足婦女之操作計高機每日織布三天平機每日織布三天鐵機每日織布十天如用紗線為經紡線為緯造出之布較現在地方喜用之隨來大布更細級美觀矣丹本縣創用羊毛紡線手工織衣為毛織品衛生衣之製造現已勉強成衣較之毡襖輕煖適體孩童服之尤為溫輒其他帽襪手套均可製造如婦女願學者可於星期日到女校內指授毛織手工製法以資推廣此藝普惠吾民慎勿薄其小技而不屑為也特此布告合邑各界人等遵照共發

大願提倡織業夫勸其妻毋教其女或紡或織家上工作書聲
與機聲並作男耕與女紅效績豐衣食在能企業富國興
家匹婦有責切此布

禁止帶差第土布告文

為布告事照得訪聞郵局重班驛腳車夫往往經過境內色帶土
容攜帶煙土或借郵差之勢調笑民婦似此違禁違法尚復成何事
體合亟布告為此示仰店戶郵差驛腳車夫一體遵照嗣後再有
違禁帶土以及妨害風俗之事一經告發或被查知定即拘案從重法

解決不姑寬如店戶知情不報定治以共同犯罪之咎不貸切切毋

違此布

設藥處布告文

照得吾民疾病苦無良醫即有良方苦無良藥死於庸醫與死

於無藥者時有所聞鄉村更甚本縣戚然於心意欲蘇民疾苦

壽域同登爰捐俸購來北京同仁堂各種藥品在城隍廟內創

設藥處派第一科科員毛武超為處長經理施散事務凡鄉城

民間如患病恙需用京藥無法購買者即到施藥處說明症候

照病施給如無病冒領者一概不與再本縣帶有校正達生篇白喉
忌表扶微及中西醫書滙通陳修園五十種如有有心深造之醫
生假閱陳抄者亦准赴處具字領閱不許污損特此布告各邑
軍民人等一體遵照此布

呈為呈明改良監所情形請示遵行事竊維無善無惡
心之體有善有惡意之動懲戒其意念之惡回復其本性之
善者即近世監獄是已故英國監獄之獄則儼同學校吾國
東南之新監日臻完善甘僻在邊風氣遞開前高檢廳長

徐銳意興建分監各道獄政煥然大備而各縣監獄尚待改進不
有合法之敷設莫顯法治之精神人民仍視為狴犴可畏以報復
為懷囚徒仍不覺感化所在以縲紲為苦終年閉錮何日自新
欣逢 廳長大人來撫茲王親閱縣監誥誠獄吏訓誨囚徒指示

(高檢廳長受命來視閱)呈者長次上

監房制度倡導工作生涯芸芸眾生得覩天日茫茫苦海

忽現慈航是誠河朔七十餘縣監獄囚徒悔罪自新之新
紀元也 知事 上年承乏斯邑誨囚之暇繕葺牆垣增置女

監訓看役洒掃維勤監房內外較前清潔令獄吏講解善

書指示織帶俱補感悟究之圖犴在門設圈在室犯罪輕重不隔
監房作工勤怠固有獎罰自新之途尚狹感化之效亦微用再
竭力改進合法建設以仰副

帥憲大人刑賞忠厚化莠為良

之至意茲將籌款改造各計畫謹一陳之伏候訓示遵行竊查靜
甯外連七邑內已莊浪事因衝途而繁民以健訟為差美魚之

隴東一帶胥奸差惡蒂固根深賭風甚熾煙癖亦深宜於
城中特建分監一所收容各鄰縣囚徒實施感化之獄章先
由賭犯煙犯差蠹訟棍四項入手是四者畏法懾服有所

核改則社會立見清明教化行而風俗美矣擬就官產項
下守備署址為改建分監基礎計署價四百八十元擬請由報解
回成司法罰金項下二年流攤清償丹縣之北門從來封閉交
通斷絕居民稀疏守備署址近在北城之隈非常寂寞正合設
監化囚靜坐悔過之旨修建形式另圖繪呈此擬建分監之
計畫也舊監在縣署之側距市稍遠亦絕囂塵屢經整飭
現頗潔靜擬再高其門閤書懸獄額分其監房隔別執行
另建工場二所令作淺近工藝如造粉錠織帶之類為無

業觸法之囚開出獄謀生之路更以前獄神祠為獄員講演善書化
導囚徒之所並令陳列囚徒工藝之成品以資觀感改建形式另圖繪
呈此擬改建舊監之計畫也看守所雖設仍係舊日班房黑室木籠
鎖項如故自知事蒞任後閱獄之餘親驗各班押房嚴令非命
盜要犯不得押籠鎖項以遂磕索並令清潔一掃舊穢迨後呈請
改設書記員錄事承發吏時已委獄員兼任者看守所所長書記員
兼看守長革除收發管押房班之陋習羈押人犯及管收待質
民事被告人咸釋苦痛歎為百年來所未有惟舊所依六班

分六處殊不統一知事初到時六班約二三百人押犯亦多迨積案清厘非刑犯及強制執行民事被告人萬難保外者一概不押至藉票磕索者六班總役已辦徒刑四人早退二人其他總散判徒者十七名改用新式傳拘各票標明膳宿送達各費差害之風早已擴清前之以差為業者散而入伍謀生歸田糊口不下三百人現監犯中差與鄉約十分之七焉蓋彼曾習非成是積習已深不若斯若無聞見也况貪酷相需縱之為爪牙養之如虎狼尚有入乎一旦祛此積弊非遠利執法用重不可耳茲擬就壯班一處

推廣地基改建者守所一處內附民事管收所一處照所章實行庶刑
犯在押者有專一之處不至時虞逃脫民事待質者有管收之所不
生凌虐行為改建刑式另圖繪呈此擬改建省守所之計畫也以上修建
分監並改建舊監及省守所各經費約計需款二千餘串擬由知事

設法籌措以竟全功用仰副

帥 憲大人明刑弼教注重獄政
廳

之至意所擬各節是否允洽懇祈 訓示以便督飭獄員等庇

材鳩工刻日遵行所有擬建分監暨改建舊監及省守所計畫

各緣由理合具文呈明

帥

憲俯賜鑒核指令遵行 謹呈

甘肅省長兼督軍張

甘肅高等檢察廳長党

批呈圖均悉查改良監獄為近今切要之圖所擬各節
於革除積弊籌備建設慎重衛生諸端井井有條具
徵尊重人權熱心獄政極所贊許惟該縣隸屬涇原
道區正在籌建分監尅期舉辦工竣後即可移彼管
收所請修建分監着從緩議至改建舊監及看守所規
畫咸宜務期督飭獄員相底於成本檢察長有厚望

馬此令圖存

檢察長党積齡

甘肅省長兼督軍張

甘肅高等檢察廳長

呈請省長整理農務文

呈為遵令呈復事民國八年四月二日奉 大帥訓令案准

財政部咨開承准國務院抄交駐日神戶橫濱領事呈文
一件原文有案請免冗叙外尾開合行令仰該知事遵將農
政一端講求改良種籽肥料務加研究總期地無遺利民有
儲蓄仍將奉文日期及遵行手續具復查考等因奉此 知事
遵查靜甯山多地瘠乏膏沃之可耘氓愚農惰倚菽麥
以為生雨稀易旱十播每難五收時和歲稔穀賤又致傷

農豐歉皆可病民俯仰每多遺憾上年下車之始問民疾苦
憫茲農困急起講求爰督率縣農會長租地作場試驗他
種之農產濬渠道水灌溉硤确之石田並派會員分赴四鄉
於春初播種之時勸誥深耕秋末農隙之候加意改良菽麥
而外增植稻棉播籽之前多培肥料更講演吾華以農立
國西人倚農產富強一年之久農智漸開西疇南畝耕作
較勤此設試驗場講新農務首開農智之計畫也老農和
識一開社會觀感丕變知農政為當務之急農產乃工商

之源不以學稼為恥羣宏力穡之圖當斯時機似宜助長
鼓其新悟之勇擴其發展之途一所縣城農會株守一隅不若
多數分會成立棋布各鎮一農業試驗場易就簡陋不若
設數場競爭奏績故縣農會外本年擬再成立東西北三
鄉分會各一處兩鄉廣濶成立分會二處共為五處分布
各地為改進農產之先聲租地農場外又於附郭及城中
隙地劃作農場二處多委場長各專責成分種各樣農
產物以覘物土之宜而布其利用作比較之資以奏其能此

又成立分會添設農場用資發展之計畫也至其他審察氣
候辨別土宜留良汰劣增多他種農品易種輪植調和大地
資生並肥料應如何適宜農具應如何改造籽種應如何
藏種蝻鼠應如何禦防另購專書用資研究廣徵籽核以
驗生長積極進行企圖興業總期農智既闢農業改進
田野盡闢地無曠廢樹藝專精物產豐饒以仰副

帥憲大人訓農教稼富國裕民之至意所有遵令籌畫
振興農政一端各辦法是否允洽伏祈訓示祇遵理合具

文呈請 卽憲大人俯賜鑒核訓示遵行謹呈

甘肅省長兼督軍張

附錄省長批文

據呈籌畫振興農政各辦法井井有條深堪嘉許卽切實進行以興農利為要此令

張廣建

布告裁革捕班文

照得縣公署兼理司法所有刑事案件自應照章遣用

法警拘傳前設捕班本由快班分出無所事事亟應裁革以
速自新而滌污染除將捕班總役劉萬榮劉守中改充快班
總役以專責成外嗣後賊盜案件應由各班法警各按地段
負捕緝完全責任以安閭閻至捕班散役有可用者准由該
總役擇用移入快班以補缺額並由本縣訂定縣行政公署
班差條例以資遵守而祛積弊合亟布告仰閭縣軍民人
等一體遵照自示之後如有假冒捕班之名在外搯索者一
經查覺或被告發定行從嚴治罪決不寬貸切切特示

縣行政公署班差條例

靜甯縣行政長兼司法官周布告茲制定縣行政公署班差條例公布之

一縣行政公署因催收丁糧得仍留用各班總役散役以資催科並備行政部分傳拘事務發生之遣用

一縣知事兼理司法當此地方審檢兩廳未成立以前縣公署即兼審檢職務除遵章用行政警察兼司法警察外得以各班總散役兼充承發吏司法警察之職務盡傳拘送達之責任

一應留兵壯快皂衛五班裁捕班以符定章嗣後賊盜

案件各班既有兼法警職務應分段負責緝捕完全之責

任

第一名總役承發吏第二名總役兼法警各負刑事民事拘傳之責任第三名總役管理傳投款項及經收訟費罰金等事如無第三名總役時即由第一名第二名分擔責任以重公款

一各班設總役二名或三名散役按鎮之繁簡每一繁鎮則

設二名簡則設一名每班至多不得過十二名以示限制

一各班總役不得下鄉准指揮各鎮散役盡傳拘之責任散

役須年富力強確無嗜好識字明理取具舖保方准充當

以杜濫竽

一各班總散役既兼承發吏之職務應照司法章程收取送

達費及傳票膳宿費以資辦公

一各班總役既不下鄉除由公署給予口食外得於散役膳宿費內劃出十分之三以資食用

一各鎮案件既責成各鎮散役持票拘傳輪流派遣不准總役自往亦不得私報

一小跑裁革改充散役由各鎮散役輪流到城值日限定期以昭公允

一各班因事雇用白役不准持票傳案如滋出事端該雇

用之總散役連帶負責

一刑事票照章不得過三日民事票不得過五日如拖延賄放
依法嚴辦不貸

一各班總役如充當一年勤慎無大過准由本公署立案再准
充三年如三年無誤要公准終身充當至總役有缺額時由
散役依次叙充以勉各存五日之心時起弄錢之念

一各班散役催糧時如民間給與路費亦准收受並酌付總
役若干以資食用

一各班總役應訂訟事簿一本記載事由出票日期隨時稽
查又訂催收公款簿一本按月按期催交清楚以勉拖欠
一官如牧人差如牧犬百姓則羊也害百姓之盜賊痞棍即豺
狼也今差不能盡牧犬責任以免羊之危險反行同豺狼
擇肥羊而噬或勝於豺狼之毒害牧人不能制止是縱犬
傷羊也養犬以衛羊今反傷之又何須養犬直養豺狼
可也民國凡百政務設官設吏皆以為民凡害民者一律
法辦該總散役等須明此理革面洗心嗣後以能盡職務為

生活不可以能害同胞為生活則放下屠刀立地成佛矣

一民國法制最重人格承發吏法警均係小官並非從前下賤之差
狗可比從前陷於下賤不齒人歎想做好人無路可走今仍從前下
賤之差一旦為民服務列於仕途真不啻變蜚蜮之轉為蘇合之丸
其榮辱有天淵之別從前種種譬如昨日死從後種種譬如今
日生各該總散役立定志向要做後半世好人不枉在世披
一張人皮前不為祖宗羞後不為子孫累回頭是岸當

自今日始

一本條例如有未盡事宜再隨時增入之

一本條例為縣單行章程之一種自本公署公布之日施行

呈為呈請解釋遵行事茲查某甲之妻被某乙誘拐已五年矣今年某甲之父遇見兒媳知為某乙所拐起訴訊明屬實其妻被拐後已生一子年二歲矣某乙自應受刑事處分某甲堅要其妻不願離婚其妻堅不再合某乙回民也其私生子又不能撫養於漢民家中擬斷某

乙將私生子取回撫養婦歸某甲為妻不料該婦堅不再合
某甲堅要妻歸可否令某甲強制將妻馱歸如強制其妻
自殺自傷某甲是否觸法况被拐之婦與相姦者當然離
婚不能結婚其本夫不聲明離婚且願偕老又當然判令
破鏡重圓不料此婦戀其姦夫或受他人教唆堅不再合
除強制外有無別法可以救急濟合無仰懇 指令解釋遵
行理合具文呈請

廳長大人俯賜解釋令遵謹呈

甘肅第一高等檢察分廳廳長劉

批據呈已悉查此案既經親告自應依法分別辦理一俟
該婦刑期執行完畢後仍由其本夫領回不得以姦夫姦婦
自由意思而破壞法律也至私生子由姦夫認領此種辦
法早已見諸解釋勿庸疑慮此令

呈為呈賚事竊查屬縣警察教練所學警修業期滿_知
事會同職教各員已於七月十日舉行畢業起至二十日止

考試完竣張榜宣布並擬舊八月一日再開第二班學警
修業招收高小學生以期全縣警兵悉受相當之教育施
行警務俱沐高厚之德化除畢業學警分派四區服務
外所有考試過科目分數造具花名清冊一本連同試卷
理合具文一併呈賚

處長俯賜鑒核發給証書以資觀感而奮前程謹呈
簡任甘肅全省警務處處長鄭

計呈賚試卷四百二十本
學警花名清冊一本

批呈暨試卷名冊均悉查閱各卷答案均斐然可觀以短促
之期間有如斯之成績足見職教員熱心毅力訓練認真
深堪嘉許名冊所列分數亦屬相符惟查省會巡警教
練所畢業期係定為六箇月該縣情形諒與省會不同
此次既縮短為一學期按之部定巡警教練所章程尚無
抵觸應准一律作為畢業除將畢業證書印發外所
請續開第二班一節事屬可行併准如擬辦理仰即遵

照此令 名冊試卷存

計發巡警畢業證書三十張

鄭元良

呈禁止纏足文

呈為遵令呈明事案奉 帥憲訓令開案據教育廳呈
據全省教育行政會議議決提倡女子天足令行警務處
會同擬定辦法呈請公布施行等情一案除原文有案請免
冗叙外後開合亟檢同簡章令行該知事仰即切實遵辦
並每屆三箇月將辦理情形呈報一次以憑查考切切此令
等因奉此伏思毀肢傷血國弱實原種孱相夫助予

家興在舉婦職况學校林立學童缺良好家庭之訓練
職業蓬興婦女無強健身手之工作衛生強種職業興家
均於放足一事是賴焉 知事 上年下車之始即傳集學紳

各界詳為勸導令將已女先放為平民倡並出示曉諭分
派講演員赴鄉演說放足種種關係以期家喻戶曉自
易推行嗣於七年一月成立天足會八年一月成立不娶纏
足女子會公推正紳為會長各界紳耆為會員第一期
禁止出售木底至七年六月底為截止期第二期禁止穿用

木底至七年十二月底為截止期第三期禁止女子纏足至
八年六月底為截止期第四期解放女子裹足至八年十二
月底為截止期雖云處罰究未實行寬以期限咸使醒悟此
知事提倡放足之情形也自奉 訓令後 知事 復召集會眾
布告四鄉宣布 德意各界歡舞感為民除切膚之痛喜
蓬壁有生輝之榮從此圓顛方趾各暢天然生機愛國興
家共負人治責任皆出自 帥憲高厚之生成也計靜
甯城闕婦人全用平鞋業已盡去木底女子解放已佔十

分之七至四鄉風氣甫開解放女足者不過十分之二民智未
開積習難去收效之遲有如此者一俟城闕全數放足四鄉
能放少半再將勸導出力紳耆及會員呈請給獎以示鼓
勵外所有遵令呈明辦理放足情形暨呈膏放足告示各緣由
理合具文呈明

帥憲大人俯賜鑒核訓示祇遵謹呈

附膏放足告示一紙

甘肅省長兼督軍張

廷原道尹一份

呈為遵令呈覆事案奉

帥道憲訓令開隴東增添游擊營由各縣籌募借餉一案原文

有案請免冗叙外後開合函令行該知事遵照指示各節認

真辦理並將辦理情形具報查核切此令等因奉此

知事

前次遵查奉令勸募借餉暨短期公債之時邀集紳商

各界當面聲明承辦紳商均須造出款人名冊實署由

縣署填榜宣布數目相符再行填給實收以昭核實而

重信用如有浮收乾沒情事一經告發立拿法辦決不少
貸現各鎮名冊尚未賣齊如有與實不攻自破總期款不
中飽民無擾害以仰副

帥道憲惠愛黎元去莠安良之至意除俟名冊賣齊再行
呈報外所有辦理借餉令承辦紳商造冊宣布防與惜民
各情形理合具文呈請

帥道憲大人俯賜鑒核訓示祇遵謹呈

龐東鎮守使陸

廷原道尹歐陽

呈為呈覆事民國八年七月十一日奉

憲台第二百一十七號訓令案據縣屬仁義店民史敏昌史敏政史彥章稟稱為私勾巡警濫肆威權朋夥搜磕逼跳鄰鎮懇 恩提究一案原文有案請免重叙外後開合行令仰該知事查照稟批內事理刻即妥為辦結以杜口實此令等因奉此遵查民國成立發行內債各縣按鄉鎮之繁簡定應募之多寡村鄉富戶不知內債之性質以為同前

清之支差於是別思避重就輕之計名曰跳鎮跳鎮者繁
鎮富戶跳入簡鎮並非遷居不過賄通里書將其糧名書
入他鎮之糧冊而其居住田產仍在原鎮區域內也此係奸
民巧計往往因此滋釀大事緣繁鎮富戶跳入簡鎮繁
鎮應募債額不能減少只好強派於貧民民間鎮平日應募
債額既少不能輒增富即取巧於其間既紊戶籍又因貧
民爭訟械鬪恒必由之知事此次辨募本省公債宣布取
消跳鎮惡習一律歸鎮應募以免奸民取巧貧民受累

並傳作奸犯科之各鎮里書面加訓戒不准得賄賂書糧冊全縣
一律遵辦在案惟有章麻鎮之富戶史百萬家跳入良墊店鎮
之史敏昌等抗拒不歸原鎮當前此公債奉撥軍餉急如星
火一人抗拒全縣效尤祇得令派東區巡長孫長林開導催交
不料該民頑梗不化抗拒益力遂令票提史敏德到案該民
當堂代兄懇恩求免依違令罰法處罰願再出十兩公債補足
章麻鎮短募公債之數嗣後歸鎮應募不再違令橫行 知事
因念愚民悔改准如所請交款完案以後鎮紳如有苛待情

事准其起訴法辦去後詎料其兄史敏昌因他事在平興訟遂
復上訴

憲轅令行下縣此 知事 取消跳鎮惡習與該民認募章麻免罰
之實情並跳鎮非遷居歸鎮非拘束居住自由之實情也
至路費糖酒一節查明係該民送給警兵等之送達宿膳費
二警往返旬日核與定章亦不為多更與需索者不同自難
追究人原稟內稱三年狼匪擾甘磔錢各節與紳士秦繼周等
興訟前案查明此案早經沈前任判決事隔二年有餘案又

確定已久該民從未聲明不服今因應募公債不歸本鎮抗拒
命令上訴洩忿一筆闖入顯係藉前案作陪觀自難再予受
理俾免徒起訟蔓以符法例是否允洽伏候

訓示祇遵所有遵令查明辨結過史敏德等願繳章麻公債
銀兩歸鎮奉公情形理合具文呈覆

憲台俯賜鑒核批准銷案謹呈

逕原道道尹馮歐陽

批准銷案

